

ordonné de faire quelque despense pour l'amour de Dieu ; Celuy qui sera auaricieux & chiche en cette occurrence sera auaricieux & chiche enuers soy-mesme. Dieu est riche & vous estes pauvres, si vous mesprisez sa loy, il créera d'autres personnes en vostre place qui ne feront pas comme vous.

*LE CHAPITRE DE LA CONQVES-
te, contenant vingt-neuf versets,
escrit à la Medine.*

*C'est le Chapitre de la prise de la ville de la Me-
que.*

AV nom de Dieu clement & misericordieux. Nous t'auons donné vne victoire euidente, Dieu te pardonne le peché que tu as fait lors que tu as esté trop prompt, & lors que tu as esté trop tardif (à combattre pour sa loy,) il accomplira sa grace sur toy, il te conduira au droict chemin, & te protegera puissamment. Il a deliuré de peur le cœur des fidelles pour augmenter leur foy, il dispose des forces des Cieux & de la Terre, il sçait tout, & est tres-prudent. Il fera habiter eternellement ceux & celles qui obeiront à ses commandemens dans des jardins où coulent plusieurs fleuves, & leur pardonnera leurs pechez, c'est la suprême felicité ; Les in-

fidelles, les impies, les desobeiffans, & les iniustes qui
 ont de mauuaises pensées de Dieu, seront maudits
 par sa diuine Majesté, le malheur les suiura tousiours,
 & sa colere sera sur eux eternellement, il a preparé
 pour eux les peines de l'Enfer. Dieu dispose des for-
 ces des Cieux & de la Terre, il est tout-puissant & sage.
 Noust'auons enuoyé pour estre tesmoin des despor-
 temens de ceux de ta nation, pour leur annoncer les
 ioyes du Paradis, & pour leur prescher les peines de
 l'Enfer, afin qu'ils croyent en Dieu & en son Pro-
 phete, qu'ils le loüent, qu'ils l'honnorent, & qu'ils
 exaltent sa gloire soir & matin. Ceux qui t'obeyront
 obeyront à Dieu, la main de Dieu est plus forte que la
 main des hommes, celuy qui pechera, pechera con-
 tre son ame, & celuy qui fera ce qu'il a promis à Dieu
 aura vne tres- grande recompense. Ceux d'entre les
 Arabes qui ne t'ont pas voulu suiure, disent, Tu en-
 ploye nos biens & nos personnes pour aller avec toy,
 Demande donc pardon à Dieu pour nous, mais ils ne
 disent pas de bouche ce qu'ils ont dans le cœur; Dis
 leur, qui peut quelque chose pour vous autre que
 Dieu? s'il vous veut faire du bien ou s'il vous veut fai-
 re du mal, il est tout- Puissant, il sçait tout ce que vous
 faites. Vous auez crû que le Prophete & les vray-
 croyans seroient tuez lors qu'ils ont combatu pour
 la loy de Dieu, vous auez crû qu'ils ne retourneroient
 jamais en leurs maisons; Cette opinion vous res-
 jouïssoit le cœur, mais vous auez esté trôpez, & auez
 esté exetrminez vous mesmes avec ceux qui ne
 croyoient

croyoient pas en Dieu, ny en ses Prophetes; Dieu a preparé le feu d'Enfer pour les infidelles, le Royaume des Cieux & de la Terre est à luy, il chastie & punit qui bon luy semble, il est clement & misericordieux. Lors que vous irez au butin, ceux qui ne vous ont pas voulu suiure auparauant au combat, diront, laissez nous aller avec vous; Ils veulent alterer la parole de Dieu; Dis leur, vous ne nous suiurez pas en cette occasion, Dieu ne l'a pas cy-deuant ordonné; ils respondront, certainement vous estes enuieux contre nous; Au contraire, ils ne comprennent pas la loy de Dieu, excepté fort peu d'entr'eux. Dis aux Arabes qui ne t'ont pas voulu suiure, vous serez appellez pour combattre des personnes malheureuses, vous les combattrez, neantmoins ils seront tousiours obeissans à Dieu, si vous obeissez, & si vous combattez pour la foy, il vous recompensera largement, si vous abandonnez son seruice, comme vous auez cy-deuant fait, il vous chastiera rigoureusement. Les auuglés, les estropiez, & les malades ne sont pas obligez d'aller à la guerre. Celuy qui obeyra à Dieu & à son Prophete, habitera eternellement dans des iardins où coulent plusieurs fleues, & celuy qui desobeyra aux commandemens de Dieu sera chastié de sa desobeissance. Dieu a eu agreable l'action de ceux qui se sont assemblez auprès de toy au dessous de l'arbre, il scait ce qu'ils auoient dedans le cœur, il a assurez leurs pas, & leur a donné vne victoire, il est tout-Puissant & Sage. Dieu vous auoit promis vn grand

butin, il vous la dōné, & vous a deliurés des mains du peuple, cela seruira de signe de sa toute- Puissance aux vraycroyans; il vous conduira au droict chemin; personne autre que vous ne pouuoit faire cette conqueſte, il ſçauoit bien que ce butin n'eſtoit pas pour d'autres; il eſt tout- Puissant, ſi les impies vous combattent, ils fuyront, ils tourneront le dos, & ne trouuerront perſonne qui les protege; Obſeruez la loy de Dieu contr' eux, faites comme on vous a cy- deuant ordonné, la loy de Dieu ne reçoit point d'alteration, Dieu vous a deliuré de leurs mains, & les a deliurez des vostres au milieu de la Meque, apres vous auoir donné la victoire ſur eux, il void tout ce qu'ils font, ils ont meſpriſé les commandemens de ſa diuine Maieſté, & vous ont cy deuant empesché d'aller au Temple de la Meque, ils ſont à preſent priſonniers, ſans le ſecours des vray- croyans qui eſtoient dans la ville avec eux, vous ne les euſſiez pas cognus, vous les euſſiez tous foulez aux pieds peſte- meſle, & euſſiez offenſé Dieu ſans cognoiſtre voſtre peché. Dieu donne ſa miſericorde à qui bon luy ſemble, ſi vous euſſiez eſté ſepar. z des infidelles, nous les aurions rudement chaſtiez. Lors qu'ils ont eſté ſecourus par les ignorans, & qu'ils ont eu quelque aduantage, Dieu a mis ſon Prophete & tous les fidelles en lieu de ſeureté, ils ont eu recours à la parole de force & de vertu: en quoy ils ont mieux fait que les infidelles, Dieu ſçait tout. Aſſurément le ſonge du Prophete de Dieu a eſté veritable lors qu'il a ſongé que vous eſtiez dedans le Tem-

ple de la Meque sans peur, les cheueux razez, & la barbe ajustée, ne craignez rien, Dieu sçait ce que vous ne sçauiez pas, au lieu de ce songe il vous a donné vne grande victoire; C'est luy qui vous a enuoyé son Prophete pour vous enseigner sa loy, plus salutaire que toutes les autres loix du monde; C'est assez que Dieu soit tesmoin que Mahomet est son Prophete & son Apostre, c'est assez que les vray-croyãs qui sont avec luy en portent tesmoignage. Dieu augmente sa misericorde enuers les infidelles qui se conuertissent, tu les verras adorer Dieu, s'humilier deuant sa diuine Majesté, & demander sa grace, tu les cognoistras à leur fizionimie, ils auront au visage les marques de leur zele, il est ainsi escrit dedans l'ancien Testament, & dans l'Euangile: ils sont semblable à vne plante qui produit ses feüilles, qui se fortifie peu à peu, & deuiet grosse, apres elle prend force sur ses racines, elle deuiet vn grand arbre, & son bois sert pour faire la guerre aux infidelles. Dieu a promis sa misericorde, & vne tres-grande recompense aux infidelles qui se conuertiront, qui croiront en sa loy, & qui feront de bonnes ceüures.

Qq ij